



SERENISS. VRBINI DVCI
VI. PISAVRI

CÆTERARVMQVE SVÆ DITIONIS CIVI-
TATVM PRINCIPI OPTIMO

FRANCISCO MARIAE II. RVVERIO FELTRIO,

SIMON DE PRAETIS, S.



VM annos abhinc plures, Serenissime Princeps, in tra-
ctandis Iuris Cæsarei, & Pontificij studijs, nunc Con-
sultoris, nunc Iudicis munia implēs, versatus ego fue-
rim: animaduerti, non esse aliam in pulcherrima Iuris
compositione partem tractatione difficiliorem, vsu
frequentiore, re ipsa humano generi conducibilio-
rem, ea, quæ vltimas hominum volūtates respicit, in-
terpretatur, & explicat. Cui rei illud argumento est,
quod & veteres illi iurisperiti, & Cæsares Augusti, &
subindè clarissimi Iuris professores, & magni, & insignes Interpretes hanc
præ cæteris tractationem, in omni tempore responsis, constitutionibus,
commentarijs, consilijs, scriptionibus commendarunt, tum illustrarunt
suis. Nec sanè difficile est, veram afferre huiusce rei rationē. Nam, cū ho-
mines è vita decedentes in postremis suis iudicijs, & decretis de vniuersis
bonis, facultatibus, & patrimonijs suis, quod post obitum suū fieri velint,
statuant, & quod statuerint, firmum, & ratum esse maxime velint, nec tan-
tum in longos annos, sed frequenter etiam in perpetuum. Hinc factum est,
vt mortalibus naturaliter ad dissentiendum procliuius, & tunc potissi-
mum, cū de re pecuniaria & quæstuarie agitur, testamenta, atque vltimæ
iporum morientium voluntates multis sanè de causis innumeras præbue-
rint litium occasiones: quare in nullo alio Iuris argumento plura, quàm in
hoc, edita fuerunt Principum placita, Iurisconsultorum responsa, & Docto-
rum varia, & crebra interpretamenta. Quibus ita se habentibus, operæ pre-
cium, & quod ex re studiosorum esset, me esse facturum duxi: si obscuras, &
dubias interpretum sententias, quæ in hac materia opinionum varietate,
& librorum multitudine, valdè certè quidem diffusa, & intricata. permul-
tæ sunt, diligenter, & dilucidè, & ornatè exponerem. Qua ratione, librum